



REGULAMENTO MUNICIPAL DO REXISTRO DE PARELLAS DE FEITO

Artigo 1. Obxecto.

1. Créase o rexistro municipal de parellas de feito do Concello de Castrelo do Val para o cumprimento ds súas competencias propias.
2. O rexistro de parellas de feito terá carácter administrativo e rexeráse polo presente regulamento e demais disposicións que se poidan ditar no seu desenvolvemento.

Artigo 2. Ámbito.

Poderán ser obxecto de inscrición no rexistro, todas as unións non matrimoniais de convivencia en parella, vinculadas de forma estable, por unha relación de afectividade, con independencia do seu sexo e sendo maiores de idade ou menores emancipados, sempre que ando menos un dos membros esté empadroado no Concello de Castrelo do Val.

Artigo 3. Requisitos das inscricións.

1. As inscricións que se poidan practicar no rexistro municipal de parellas de feito realizaránse trala solicitude conxuntas dos membros da parella, sendo requisitos para proceder a inscrición os seguintes:

- a) Ser maior de idade ou menor emancipado.
- b) Non ser parentes en liña recta por consanguinidade ou adopción en calquera grao de parentesco nin o ser na liña colateral por consanguinidade ou adpoción dentro do terceiro grao.
- c) Non estar incapacitado judicialmente para tal fin.
- d) Non estar ligado algún dos membros de parella de feito con vínculo matrimonial.
- e) Estar cando menos un dos membros empadroado no Concello de Castrelo do Val.
- f) Non figurar inscritos como membros doutra unión de feito que non esté cancelada ou anulada.

2. So as inscricións que fagan referencia á extinción da parella de feito poderán efectuarse a instancia dun dos membros, en cuio caso notificaráselle ao outro membro.

3. Co fin de xustificar o cumprimento dos anteriores requisitos, os interesados, comparecendo persoal e conxuntamente perante o/a funcionario/a que se encargue do rexistro, deberán aportar xunto coa solicitude de inscrición, que asinarán ambos, os documentos seguintes:

- a) Copia do DNI, e no caso de estar emancipados, acreditarán dita circunstancia a través de certificado do Rexistro Civil ou escritura pública.
- b) Declaración de non ter relación de parentesco que non permita a inscrición.
- c) Declaración de non estar incapacitado para prestar consentimento.



- d) Certificado do Rexistro Civil relativo ao estado civil dos membros da unión.
- e) Certificado de empradoamento.
- f) Declaración responsable de non figurar inscritos como membros doutra unión de feito.

Artigo 4. Actos inscribibles.

1. Serán obxecto de inscrición no rexistro de parellas de feito:

a) As declaración de constitución de parellas de feito tanto heterosexuais como homosexuais que convivan no Concello de Castrelo do Val, a súa modificación, así como a extinción destas circunstancias, calquera que sexa a súa causa.

b) Mediante transcripción literal, inscribiránse os contratos reguladores das relacións persoais e patrimoniais dos membros da parella de feito.

2. Non se poderá practicar ningunha inscrición no rexistro sen o consentimento conxunto dos membros da parella de feito, salvo o previsto no artigo 3.2.

Artigo 5. Cancelación.

A disolución da parella obrigará aos seus membros a comunicala ao rexistro municipal, chegando que solicite a cancelación un deles.

Serán causas para proceder a cancelación da inscrición:

- Por mutuo acordó.
- Por morte ou declaración de falecemento dun dos seus integrantes.
- Por matrimonio de un dos seus membros.
- Pola vontade unilateral dun dos membros da parella, notificada fidedignamente ao outro,

So se poderá practicar de oficio a cancelación por parte da administración se ésta ten constancia da baixa dun dos membros do padrón municipal de habitantes, debéndose comunicar previamente aos interesados.

Artigo 6. Publicidade.

A publicidade do rexistro municipal de parellas de feito quedará limitada exclusivamente á expedición de certificados á instancia de calquera dos membros da parella interesada ou dos xuíces ou tribunais de xustiza, coas limitacións e nos termos establecidos na Lei Orgánica 5/1992, do 29 de outubro, de regulación do tratamento automatizado de datos de carácter persoal e no artigo 37 da Lei 30/1992, de réxime xurídico das administracións públicas do procedemento administrativo común, referente a datos de carácter persoal que afecten dalgunha forma á intimidade ou privacidade das persoas físicas.



Artigo 7. Gratuidade.

As inscricións que se practiquen serán totalmente gratuítas. Respecto as certificacións que se expidan, estarán suxeitas ao establecido nas correspondentes ordenanzas fiscais do Concello de Castrelo do Val.

Artigo 8. Órgano competente.

O rexistro municipal de parellas de feito adscíbese á Secretaría Xeral do Concello, podendo delegarse a súa adscrición e xestión administrativa en calquera outra unidade administrativa deste Concello.

Artigo 9. Libro rexistro.

Procederáse á apertura dun expediente por cada unha das solicitudes presentadas, onde ademáis da instancia solicitando a inscrición da parella, recolleráse o conxunto de documentos relativos a ela, procedéndose a continuación á súa inscrición no libro de rexistro xeral relativo a esa parella.

O rexistro contará igualmente cun libro auxiliar ordeado polos apelidos das persoas inscritas no que se expresará o número de páxinas do libro xeral nas que existan anotacións que lles afecten.

Artigo 10. Efectos.

As parellas que se inscriban no rexistro que regula o presente regulamento, producirán efectos dende o momento da súa inscrición e, no ámbito competencial deste Concello, terán a mesma consideración xurídica e administrativa que as unións matrimoniais.

Disposición final única.

O presente regulamento entrará en vigor unha vez aprobado definitivamente e cando sexa publicado o seu texto no Boletín Oficial da Provincia e transcurra o prazo previsto no artigo 65.2 a Lei 7/85, reguladora das bases de réxime local.